

САМУРДИН

с.с.с.

«Мағарамдхуьруьн район» МР-дин
общественно-политический газет.
Общественно-политическая газета
МР «Магарамкентский район».

ГОЛОС САМУРА

Газет 1951- йисалай акъатзава. № 8 (8161) киш, 18- февраль, 2023- йис. Къимет 6 манат

МР-дин АДМИНИСТРАЦИЯДА



«Краповый беретар» вахкана

АРБЕ юкьуз, «Мағарамдхуьруьн район» МР-дин кьил Фарид Агьмедова, Украинадин чилел кьиле физвай махсус операцияда иштираквай Росгвардиядин махсус везифайрин 40- нумрадин отряддин аскерихъ галаз важиблу гуьруьш кьиле тухвана. Гуьруьшдин сергьятра аваз, винидихъ лагьанвай махсус операцияда чпин аскер-вилини буржи тамамардайла телеф хъайибурун хизанрив «Краповый беретар» вахкана. Ихътин кьарар гьа беретар алулдай ихтиярар авай къулгъэгълийрин Советди къабулнай.

Гуьруьшдал рахай Фарид Загьидиновича, Ватандиз вафалувилелди къуллугъ кьиле ту-

хузвай аскерриз чухсагъул малумарна ва абур вири сагъ-саламатдиз чпин хизанрив агакьун чи виридан мурад тирди лагьана.

6499- нумрадин войсковой частунин командир Руслан Примова, СВО-дин зонада авай чи аскерриз къуват ва мобилизоватнавайбурун, телеф хъанвайбурун хизанриз чкадал жедай куьмекар гузвай райондин руководстводиз чухсагъул малумарна.

Гуьгъуьнлай Руслан Примова, чпин везифаяр намуслувилелди тамамарай, Ватандиз вафалувал хвейи, къалурай уьтквемвилерай, чи районэгълияр тир, младший сержант Рашидов Рамиз Абдулнасировичан ва рядовой Муслимов Дасим Муслимовичан хизанрив краповый беретар вахкана. Кра-

повый берет им махсус везифайрин подразделенийрин кьилин награда я.

Вичин нубатда райондин кьили, ДНР-дин ва ЛНР-дин агъалияр хуьнин карда къалурай уьтквемвилерай ва виклегъвилерай 6499- нумрадин войсковой частунин командир Руслан Примоваз, краповый беретрин сагъибар тир старший лейтенант Асхаб Асхабоваз ва сержант Къадирбек Къазиагьмедоваз «Мағарамдхуьруьн район» МР-дин тиварунихъай Гъуьрметдин грамотаяр гана.

Гуьруьшдин эхирда, атанвай мугъманри чпин дестедин командирдин тиварунихъай Фарид Загьидиновичаз тивар алай женгерин ядигар гана.

2023- МАГЪАРАМДХУЪРУЪН РАЙОНДИН 80 ЙИСАН ЮБИЛЕЙДИН ЙИС Я!

ИНСАНДИЗ САГЪВАЛ ГУЗВАЙДИ



СА ВАХТУНДА чи района урус халкъдин интеллигенциядин гзаф векилри кваллахзавай. Малимар ва духтурар, халкъдин майишатдин маса пешекарар гзаф авай. Чи халкъдин интеллигенциядин кадряр гъазурунин карда абуру члехи пай кутуна. И кваллах чна садрани риклелай ракъурна кландач.

Виликандалай тлимил ятлани, къени урус халкъдин векилри чи арада кваллахзава. Приморск хуьре яшамиш жезвай Демчук Елена гъа ихътинбу-

рукай сад я. Адан аял ва жегил вахтарни гъа и хуьре фена. Медицинадин рекъай клелна пешекарвал къачуна. Демчука Елена вич яшамиш жезвай хуьре фельдшер-вилин пунктуна кваллах ийиз 60 йисалай гзаф алатнава.

И вахтунда ада гзафбурун сагъламвал хвена. Аялрин, жегилрин, яшлугурун. Вири абур герек атайла медицинадин рекъай куьмек къачуз Елена Демчукан патав физва. Гъи вахтунда хъайитлани Е. Демчука абуруз лазим тир куьмек гузва.

Хъсан къилихрин и дишегълидиз гъавилляй вичин хуьруьнвийрин арада гъуьрмет ава. Гзаф йисара халкъдиз медицинадин рекъай гъакъисагъвилелди къуллугъ авунай Елена Демчука «здравоохранениедин отличник» лагъай тлвар гана.

Медицинадин работникдин пеше виридалайни гъуьрметлугурукай сад я. Ада инсандин сагъвал хуьналди вичиз суваб къазанмишзава. Дугъри я, къенин девирда гъалар дегиш хъанва. Гзаф чкайра медицинадин куьмек гъакъидихъ къачузвай дуьшуьшар жезва. Амма гъикл хъайитлани, духтурдин патай регъимлувал амукъзава, чакай гъар сада гъадан куьмек герек жезва.

И кар фикирда къуналди, Демчук Еленади вичин регъимлувилин пеше давамарзава.

ЧІАЛ- ДЕВЛЕТ Я ХАЛКЪДИН

«ЛЕЗГИЙРИН виридалайни къудратлу ва хци яракъ члал я» лугъузва мисалда. Халкъдикай халкъ ийизвай эвелимжи шартл адан члал я. Эгер са миллет терг ийиз кланзаватла, тур-тфенг герек туш. Адан гъилий члал вахчуртла, ам вич-вичелай терг жеда. Гъахълу гафар я. Члал гъилий вегъин, фикир тагун, гъуьрмет тавун, риклелай алудун чи руьгъдин кесибвал, члалаз клур гун я. Сифте нубатда чи члал чна хвена кланда.

И ЙИКЪАРА райондин образованийедин управленийеда дидед члалаз талукъарна элквей стол къиле тухвана. Элквей столдихъ жуьреба-жуьре интеллигенциядин векилар клватл хъанвай. Чна куь фикир-

диз анал рахай Саидов Алаудин малимдин докладдай чукар гъизва.

МИХЪИ ЧІАЛ, акъуллу гаф-меслят, кар-кеспи, сагълам фегъум-фикир, жавабдарвал хиве къун, алай аямдиз, мисал яз,

къени къимет гуз алакъна кланзаватла, ам вири рекъерай, Хуьруьг Тагъираз акурвал, тамамди хъана кланда (ихтилат илим чируникай, тербия гуникай физва). Гъаниз килигна, члалакай рахадайла, адан вири терефриз ва мумкинвилериз ара-бир къванни вил ягъун виже къведа; инсандин гъар са къадам къатлунилай аслу тирди алимди фадлай тестикъарнава, эхирки, лугъун хъайитла, абур вири

ЧІАЛ- ДЕВЛЕТ Я ХАЛКЪДИН

2 ←

психологиядин, педагогикадин ва философиядин вил хкладай чкаяр я. Чаз гъакни ашкара я- фагъум тавунмаз вилериз аквадач.

Аквазвайвал, чіалан «гъунар» лап зурба я. Ам сифте нубатда ватангъли яшамиш хъайи, аялвал ва жегилвал кечирмишай, дидедин ширин, гузел ва назик сесиниз яб гайи, сифте къадам къачур ва гаф акъатай, чіехибурувай несигъат ва тарс къабулай, ата бубаяр рикіе авай ва рикіелай садрани алуд тийизвай чіал я.

Икьван чіавалди адалай вуч алакьна?

Чи халкъдин тарихда хъайи шад, бахтлу, уьклуь ва цуру, къагъриман легъзеяр риваятралдини манийрал, къисайралдини мисалралди, акъуллу келимайралди хвена ва абур алай девирдин несилдив акакъарна, сад авуна. Анай чи тарихдин, дирибаш рухвайрин ва рушарин игитвилер, ватанпересвал, гъурмет къазанмишай лайихлу, ватандашрин акъуллу несигъат- келимаяр, чешнелу къаматар, адетар, рикіиз хуш, гузел манияр кваз акакъарна.

Эхирки, хайи чіал- сифте ва эхиримжи чи гъарай я.

Чіала чи тарих тешкилна. Инсаниятдин тарихда адан метлеблублиз къимет авач.

Малум тирвал, ихътин чіал арадал атана са акъван вахт туш. Сифте араб гъарфар (аджам) ишлемешна. Адакай менфят къачурбур са къадарбур хъана, гъвечи береда туьрк графика пайда хъана, имни чи ивиди къабулнач. Анжах Советрин гъукумат тестикъ хъайи девирда чи чіал ва эдебият гуьнгъуна гъатна, абуроз къетлен фикир гуз башла- мишна.

ДИДЕДИН ЧІАЛ ЧИРУН РУЪГЪ ВА ЭДЕБ АВАЙ ИНСАН
АРАДАЛ ГЪУНИН ШАРТИРИКАЙ САД Я



Девирди ваъ, гъа береда яшамиш хъайи, чпин вири чирвилер ва алакьунар хайи халкъдиз бахш авур къегъал рухвайри чіалан ва литературадин тамам тарих теснифна.

Фатахов Алибега сифте яз чи литературадиз къуд гъикая гъана, гурарин жуьреда шиир. Вичин вири 25 йис яш хъайи жаванди шиирдалди кхъей роман «Klatl-kьatl авур зунжурар» хайи миллетдиз пишкешна. Им еке вакъиа хъана.

М.М. Гъажиева хъайитла, саки вири классрин лезги чіалай учебникар кхъена, словарар акъудна, Кеферпатан ва Къиблепатан Кавказда чіалан илимдин рекъай лезги халкъ машгъурна. Ам чи халкъдин марифатдин чирагъ хъана.

Ихътин къетлен лайихлувилер фикирда къуна 1992-йисуз (Къиблепатан Дагъустанда сифте яз) республикадин гъукуматдин къарардалди малим, сифте алим хъайи М.М. Гъажиеван лайихлу тівар Магъарамдхуруьн 1-нумрадин школадиз гана, гъа марифатдин макандиз алим иеси хъана.

Гъелбетда, гъакъван чіавалдини чи чіалан ва литературадин къайгъуда хъайибур мад хъана.

За еке гъевесдалди вичин цинин йисуз дидедиз хъайидалай къулухъ 180 йис тамам жезвай «Куьредин азбука» сифте буквардин кирам Къ. Зульфукъарован тівар къазва. Адакай за муьжуд йис вилик «Лезги газетда» макъалани акъуднай ва райондин школайриз гъадан буквардин ксерокопийар акакъарнай, гъадахъ галаз мукъувай таниш жедай мумкинвал акунай. Хайи чіалаз сифте яз алфавит кхъиз алахъай ва алакъай лайихлу ксар не-

силдиз чир хъун лазим я. Ам ийизвай хатур туш, ам тарихдин тайинарзавай къадамар я. Гъаниз килигна, жуван меслят тикрар хъувуниз мажбур жезва: Советский хуьруьни Къасумхуьрел хъфизвай рекъин къекъуьндал С.Сулейманан бюст алудай чка Къ.Зульфукъарован къаматдин боерельеф эцигиз кутугнавай чка тир, ам Мамрачдин хуьруьн кьилни я.

Гуьруьшдин месэла хуьналди, 1989-йисан августдин вацра кьиле фейи райондин малимрин конференциядал (ам райондин Куьлтурадин Ківалин 400- далай виниз делегатри иштирак авур залда) Минпросдин меслят кьилиз акъудуналди сифтегъан вири классра чирвилер ва тербия анжах хайи чіалалди гана кланзавайдакай 2- доклад яз келнай.

За лезги чіалан алимдин агъсакъал, академик Р.И. Гъайдаровахъ, ДИРО-дин сифтегъан классрин кабинетдин заведишдихъ (гъамни еке алим

→ 4

ЧІАЛ- ДЕВЛЕТ Я ХАЛКЪДИН

3 ←

тир), маса илимдин, еке теж-риба авай пешекардихъ галаз и месэладай суьгъбетар авунай, вирибурун фикир ам тир хьи, сифте классра тербия ва чирвилер (урус чІал ва чтение галачиз) хайи чІалалди тухун. И береда гъвечи аялдал гьалтзавай четинвал ам тир хьи, абуру кІелзавай затІ, гьелбетда, лезги чІалалди кьатІунзава, ам урус чІалаз таржума ийизва ва урус чІалан гаф яз лугъузва, урус гаф жагъун тавурла (течир вахтунда), рикІел татайла аял галкІизва.

Гуьгъуьнилай ГОСТ-ар, ФГОС-ар акъатайла, балайрал гьалтзавай четинвилер рикІелни аламач, чазни ам адет яз акуна.

Алава яз « халкъдин векилар» хъайи юлдашри (абур

гъа жергейра амачиз хъсан хъана) Москвадай хайи чІалар гъатта факультативный къайдада чирдай меслятар гъаз хъанай. Аферин Гьамидуллаь Исмаилович Мегьамедоваз, гъа гъакъикъи халкъдин, хайи чІалан векил кІвенкІве аваз Дагъустандин парламентдин делилралди и предложение кьабулнач.

Лугъун лазим я, алай вахтундани и месэла чи гуьзчивиликай хкудна, зайифарна виже къведач. «Жувахъ ишерди жуван къве вил я»-лугъуда лезги мисалди. Чаз эхиримжи муьжуьд йисуз Донбассда яшамиз жезвай урус халкъдин кьадар-кьисметни акуна. Хайи урус чІалал рахадай, ам сергъятламишунилай башламиш хъанай.

-Къе чалай вуч алакъда?
-Чи везифа вуч я?

-Гъар са малим, несигъатчи вичин везифайрив рикІ гъаз эгечІин;

-ЧІалаз ва эдебиятдиз (им вири лезги халкъдин месэлаяр я) талукъ месэлаяр, мярекатар гъадаз лайихлу къайдада ва уьлчмеда- школайрин еке залра, клубра тухун;

-М.М. Гъажиеван тІварунихъ галай конкурс ва премия кардик кутан хъийин;

- Мектебра, аялрин бахчайра шиирар, монологуар, михъиз рахаз чирун (ораторское искусство) адетдин кІвалах ийин.

-Яратмишунрин алакьунар авай аялдин кІватІалар тешкилин, абур вири мумкинвилер (газет, журнал) тешкилин.

-Орфографиядин конференциядин патахъай суракъин.

Алаудин САИДОВ,
РД-дин лайихлу малим,

ШАД Я ВИРИ ЦІИЙИ РЕКЪЕЛ



ЭХИРИМЖИ йисара чи районда кьиле физвай дегишвилери хуьрерин агъалийрик шадвилдин гьиссер кутазва. Ял ядай паркар ачухзава, рекьера кьир цуналди куьчяр михъи жезва, гектарралди уьзуьмрин, ичирин, чуьхверрин багълар кутазва. Гьелбетда, и вири цийивилер инсанрин дуланажагъ хъсан хъун паталди арадал гъизвайбур я.

Лагъана кІанда хьи, и мукъвара зи хайи Хуьрелрин хуьруьн, СССР-дин зегъметдин Игит Велиметова Имаматан тІварцІихъ галай кьилин куьчеда кьир цанва. Им жемят паталди чІехи шадвилдин вакъиа хъана.

Хуьрелрин хуьруьн кьилин куьчеда кьир цуналди жемятдин кІвач къарадикай жхатнава. ГъикІ лагъайтІа, саки 1 километр яргъ

ивал авай и куьчедал хуьруьн 9 магъледин кьилер атанва.

Мадни лугъуз жеда, и хъсанвилел кьадарсуз шадвалзавайбур аялар я. Хуьруьн къве патайни и кьилин куьчедай саки 150 аял кьван гъар юкьуз школадиз физва.

Жуван хуьруьнвийриз рикІелай алат тийидай пишкеш авунай райондин Кьил Агъмедов Фарид Загъидиновичаз ва и кІвалахдик чпин пай кутур гъар садаз чи хуьруьнвийри сагърай лугъузва. Къуй чпин уьмуьрдин рехъ гъамиша михъиди ва яргъиди хъурай.

За жуван са гъвечи макъала алай аямдин лезги литературадин бажарагълу шаир, журналист Мердали Жалилован эсердай са бендиналди акъалтІарзава:

*Кума язни, къазма язни,
Хайи хуьре бине кІанда.
Эхиратдин рекъе твазни,
Хайи хуьруьн куьче кІанда.*

Владик БАТМАНОВ,
Дагъустандин писателрин
Союздин секретарь.

Вичин ківалахдин халис пешекар

ЛУГЪУДА ХЪИ, культурадин Ківал хуъруьн жемятдин рикіни я, руьгъни. Гъепцеьрин хуъруьн культурадин Ківални хуъруьнвийри, районъгълийри санал ківатІ хъана, ял ядай, рикІ аладардай, яратмишунрал машгъул жедай, инсанар агуддай макандиз элкъвенва. Художественный яратмишунрин рекъяй гележегдин устадри пешекарвиллиз кам къачуз гъаина, культурадин Ківале чирзава. Культурадин макан хуъруьн рикіни, руьгъни тирди чаз Маьгарамдхуъруьн райондин Гъепцеьрин хуъруьн культурадин Ківалин регъбер Меликов Касмудин Джалиловичаз мугъман хъайила акуна.

Меликов Касмудин Джалилович 1967- йисуз Гъепцеьрин хуьре дидедиз хъана. Тагъи Нагъиеван тіварунихъ галай юкъван школа лап хъсан къиметрал акъалтІарайдалай гуьгъуьниз 1982- йисуз Избербашдин педучилищедик, художественно-графическое отделениедик экечІна.

1984- йисалай Маьгарамдхуъруьн района клубдин Ківале авай художественный мастерскойда ківалахиз башламишна. 1985- йисуз Армиядин жергейриз фена, Туркистандин военный округда г. Марыда къуллугъ авуна. 1987- йисуз сержантдин чинда аваз армиядай хтана. Армиядай хтай зирек гада кІелунригай акъвазнач 1987- йисуз ам ДГПИ- дин декоративно-прикладной искусстводин ва черчениядин факультетдик экечІна. 1992- йисуз анаг акъалтІарна. Четинвилера гъатнавай культурадин идарадрин ківалах хъсанарун патал райондин руководстводи 2005- йисалай Касмудин Меликов Гъеп-



цеьрин культурадин центрдин директор яз тайинарна. Алай вахтунда Касмудин Меликов «Сад тир Россия» партиядин, 2020- йисалай МР-дин Общественный палатадин член я.

Гъеле аял вахтарилай, гъар жуьре кружокра чирвилер къачунвай, райондин культурадин маканрин майданра вичин алакьунар къалурай Касмудин гъамиша иштиракчийрин ківенкІевчи жергейра хъана. Адаз маняр лугъунилай гъейри са жерге милли алатарни ягъиз чида, гитара ягъунай еке устІар я.

- Чи клубда гзаф мярекатар тухузва. Месела, чи рикІ алай гатфарин (Яран), Цийи йисан, 9-Майдин суварар гъар сеферда гурлудаказ къейдзава. Тухузвай мярекатрилай гъейри клубдин ракларар хуъруьн жемят патал гъамиша ачух я. Ана абуру ял язава, шешбеш, тІамайрал къугъвазва.

Вичин ківалах лап хъсандиз тамамарзавай Касмудина райондани кыле физвай вири мярекатра активвилелди иштиракзава. Шаз кыле феи республикадин конкурсда гъалиб хъуналди, «Лучший работник муниципального учреждения культуры» тІвар къазанмишна.

Ада регъбервал гузвай коллективди, кружокрин тербия-

чийри района кыле физвай вири мярекатра иштиракзава.

Са кьве келима Касмудинан иштираквал аваз арадал атай «Лунный свет» тІвар алай ківатІалдикайни лугъуз кланзава. 1990- йисара арадал атай и ансамбль къенин юкъуз виринра машгъур я. Яб акалзавайбурун арада вичин бажарагълувилелди еке машгъурвал, гъуьрмет къазанмишзавай гъевескаррал кье чна вирида дамахзава.

Хъсан пешекар, гъуьрметлу хуъруьнви, хатурлу яр дуст хъиз, ам играми бубани, уьмуьрдин юлдашни я. Ада вичин уьмуьрдин юлдаш Эминатахъ галаз санал кьуд велел тербияламишна шегъредал акъуднава.

Касмудин Меликован зегъмет райондин руководстводин, культурадин управлениедин Гъуьрметдин грамотайралдини лишанлу авунва.

Чи уьмуьрдин важиблу культурадин хиле зегъмет чІугвазвай, халкъдиз шадвал багъишзавай, куь хизандиз, куьне регъбервал гузвай коллективдиз, къуй анжах хийирдин крар, шад хабарар къисмет хъурай, Гъуьрметлу Касмудин стха.

ЖАННА.

Важиблу месэлайриз тамашна

САЛАСА юкьуз, райадминистрациядин члехи залда райондин депутатрин Собраниедин нубатдин сессия кыле фена.

Сессия райондин депутатрин Собраниедин председатель Назир Алиева ачухна ва кыле тухвана.

Сессияда, тахсиркарвилерин вилик пад кьунин ва общественный хатасузвал таъминарунин рекъай, Россиядин МВДдин Магьарамдхуьруь районда авай отделди 2022- йисуз тухвай кваллахдин гьакьиндай гьахь-гьисабдин докладдихъ яб акална.

Гьакьни сессияда, «Магьарамдхуьруь район» МР- дин депутатрин Собраниеди «Магьарамдхуьруь район» МР- дин 2023- йисан ва планламишнавай 2024-2025- йисарин бюджетдин гьакьиндай» 2022- йисан 23- декабрди кьабулнавай 109 лисд-нумрадин кьарарда дегишвилер

ва алаваяр тунин гьакьиндай, «Магьарамдхуьруь район» МР- дин сергьятдал алай чкадин бюджетдин ва бюджетдин акат тийизвай чешмейрин такьатрихъ зегьметдин шартлар хъсанарунихъ элкьуьрна тухузвай мярекатрин Положение тестикьарунин гьакьиндай, «Магьарамдхуьруь район» МР- дин депутатрин Собраниеди 2011- йисан 29-мартди кьабулнавай 27 лисд-нумрадин решениеда дегишвилер ва алаваяр тунин гьакьиндай, «Магьарамдхуьруь район» МР- дин депутатрин Собраниеди ва МР- дин счетный палатади 2023- йисуз тухудай кваллахдин план тестикьарунин гьакьиндай ва «Магьарамкентская СОШ №2» МКОУ- дин дараматдал гьамиша рикел хуьн патал кхьена цлаз ядай кьул алкьурунин гьакьиндай месэлайриз килигна.

Эхирдай кьарагьарнавай вири месэлайрай махсус кьарар кьабулна.

СПОРТ

МУБАРАКРАЙ!



ДЖИУ-ДЖИТСУДАЙ Дагьустандин федерациядин президент, Россиядин хянавай командадин

кьилин тренер Нурдин Эминова, Усурин, Гьепцегьрин ва Кьепир-Къазмайрин хуьрера тренер-малим яз кваллахзавай, джиу-джитсудай са шумудра дуьньядин чемпион хъайи ЭЙНАР ЭКБЕРОВ джиу-джитсудай Кьиблепатан Дагьустанда кьилин тренервиле тайинарнава.

Тебрикдин чими келимаяр агакьарун яз, чна адахъ мягкем сагьвал ва мадни еке агалкьунар хуьн алхишзава. Ада тербияламишзавай жегьилриз гьамиша хъсан нетижаяр жезва. Къуй, Эйнар малимдихъ идалай кьулухъни члехи агалкьунар хуьрай!

ЖАННА.

ГУЬРУЬШМИШ ХЪАНА



АКЪАЛТЗАВАЙ неси ватан-пересвилин гьиссераллаз тербияламишунин мураддалди, «Т.Н.Нагьиеван тварунихъ галай Гьепцегьрин СОШ» МКОУ- да Украинадин чилел кыле физвай махсус операцияда иштиракнавай аскеррихъ галаз важиблу гуьруьш кыле тухвана.

Украинадин сергьятра кыле

фейи женгера иштиракнавай, Запорожский, Херсонский областра чпин буржи тамарнавай Казбек Муртазаев, Алексей Атлуханов ва Эдуард Садыков хайи хуьруьн чпи акъалтларнавай школадиз гуьруьшдиз теклифнавай.

Абуру акъалтзавай несиладиз, чи аскеррин уьтквемвилерикай, игитвилерикай, чи члехи Ватан - вири-

дан квал тир Россия хуьнин мураддалди абуру гьахьвал гваз ва умудлу яз тухузвай кьуллугьдикай яргалди суьгьбетар авуна.

Ихътин мярекат тешкиллувилелди кыле тухвай, тербиядин рекъай директордин заместитель Г.Агьабековадиз ва 11-классдин руководитель М.Исмаилов гьуьруьшдин иштиракчийри чухсагьул лагьана. Аяларни гьуьруьшдилай рази яз амукьна.

**РЕСПУБЛИКА ДАГЕСТАН АДМИНИСТРАЦИЯ МУНИЦИПАЛЬНОГО РАЙОНА
«МАГАРАМКЕНТСКИЙ РАЙОН»
ПОСТАНОВЛЕНИЕ**

«02» 02. 2023 г.

с. Магарамкент

№ 39

Об утверждении стоимости ритуальных услуг, предоставляемых согласно гарантированному перечню услуг по погребению и на возмещение затрат, связанных с погребением умерших в МР «Магарамкентский район»

В соответствии с Федеральным законом от 6 октября 2003 года № 131-ФЗ «Об общих принципах организации местного самоуправления в Российской Федерации» и Федеральным законом от 12 января 1996 года № 8-ФЗ «О погребении и похоронном деле», постановляю:

1. Утвердить стоимость ритуальных услуг, предоставляемых согласно гарантированному перечню услуг по погребению и на возмещение затрат, связанных с погребением умерших, в муниципальном районе «Магарамкентский район» согласно приложению.

2. Рекомендовать государственному казенному учреждению Республики Дагестан-Управлению со-

циальной защиты населения в муниципальном образовании «Магарамкентский район» руководствоваться настоящим постановлением при выплате социального пособия на погребение и возмещение затрат, связанных с погребением умерших.

3. МКУ «Информационный центр» разместить настоящее постановление на официальном сайте администрации МР «Магарамкентский район» и опубликовать в районной газете «Самурдин сес»

4. Настоящее постановление вступает в силу с момента его официального опубликования.


**Глава муниципального района
Ф.А. АХМЕДОВ.**

Приложение
к постановлению администрации
муниципального района
«Магарамкентский район»
от « 02 » 02 2023г. № 39

Согласовано:
Отделение Фонда Пенсионного
и социального страхования РФ по РД



Согласовано:
Министерство труда и социального развития
Республики Дагестан



**Калькуляция
на погребение умерших на территории МР «Магарамкентский район»**

№ п/п	Наименование услуги	Сумма (руб.)
1	Оформление необходимых документов:	
1.1	-медицинское свидетельство о смерти	бесплатно
1.2	-свидетельство о смерти и справка, о смерти, выданные в органах ЗАГСа	бесплатно
2	Предоставление и доставка гроба и других предметов, необходимых для погребения	1000
3	Перевозка тела умершего к месту погребения (кладбище)	1000
4	Погребение (рытье могилы нужного размера)	8000
5	Опускание тела (гроба) в могилу, засыпка могилы и устройство надмогильного холма	бесплатно
	Итого:	10000

О возможности получения информации об оказываемых медицинских услугах и их стоимости

КАЖДЫЙ гражданин России имеет право на получение полиса ОМС. С его помощью можно получить квалифицированную помощь от врачей

совершенно бесплатно. Список оказанных услуг и их стоимости можно посмотреть в личном кабинете на портале «Госуслуги» в разделе «Здоровье»-«Сведе-

ния об оказанных медицинских услугах и их стоимости». В справке будут указаны медицинские услуги, оказанные Вам за счет ОМС.

➔ 8

О возможности получения информации об оказываемых медицинских услугах и их стоимости

7 ←

Данная информация, полученная через портал «Госуслуги», носит информационный характер. За официальной информацией необходимо обращаться с письменным заявлением в свою страховую медицинскую организацию, в которой был оформлен полис ОМС, или в Территориальный фонд обязательного медицинского страхования по месту оказания медицинской помощи.


Информация о перечне оказанных медицинских услуг и их стоимости предоставляется лично, либо направляется на почтовый адрес заявителя заказным письмом с уведомлением о вручении.

Важно, что человек сможет увидеть полную картину полученного им лечения. Кроме того, гражданин сможет пожаловаться, если информация о полученной им медицинской

помощи окажется недостоверной. В этом случае застрахованному гражданину необходимо обращаться в отдел защиты прав застрахованных в своей страховой медицинской организации, либо в Территориальный фонд обязательного медицинского страхования.

Ф.Ю.Балабеков.
Директор Магарамкентского филиала ТФОМС РД

КРОССВОРД



ДУЪЗ ЦІАРАРА: 1. Вечрен какадал жедай кьабух, 3. Жими. 4. Техил алцумдай уьлчме. 6. Тихтих. 8. Хаталу, инсанар кьирмишдай азар. 9. Сусвахъ галаз кьведай дишегъли. 11. Гъейранвал ийидай хьтин заті. 13. Шейхди вичин муьруьддиз гудай тапшуругъ. 14. Диде-буба амачир аял. 15. Хажалат члугун. 16. Са низ ятлани табий тир. 18. Туькьуьл зегъер. 20. Дамах кьачун. 23. Дагъ туш... 24. Кьастунай тавур члугу кар. 25. Яваш.

ТИК ЦІАРАРА: 1. Рангадин са жуьре. 2. Эсиллагъ. 3. Мах, негъил. 5. Вич ацукьнавай-далай гъейри мад са балклан са масад патал тухун. 6. Къаришма авун. 7. Жемьтдин, тешкилатдин кьиле акъвазун. 8. Гъарай-эвер, кьалчуьруьк. 10. Тади кьачу. 12. Зегъер. 17. Дад-бидад авун. 19. Менфят, хийир. 21. Вилин нине. 22. Багъри, стха.

Цийихуьруьн СОШ-дин 11- класс куьтягъ-айдан гъакъиндай 2013- йисуз Ашуралиева Радмиладиз гайи 05 АБ 0084129- нумрадин аттестат квахъуниз килигна кьуватда амачир-ди яз гьисабин.

Къилин редактор
Р. АБДУРАГЪИМОВ.

Редакциядин адрес:
368780. РД, Магарамдхуьруьн район, Магарамдхуьр, Ленинан куьче, 4.

Газет гъафтеда садра акъатзава.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Учредитель: Администрация муниципального района «Магарамкентский район».

Адрес: 368780. РД, Магарамдхуьруьн район, Магарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Чап ийиз вахкудай вахт - 16.00.
Чапун патал кьул члугуна- 15.00.

Газетдин регистрацйадин нумра- Д 0174

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магарамдхуьруьн район, Магарамдхуьр, Ленинан куьче, 4. Лезги члал.

Индекс 63340. Тираж 1400
Заказ № 8.

6+